



# PRONI mjesečni bilten

NOVEMBAR 2009

## POSJETITE

- “Tamna strana djetinjstva”
- “Danas je moj dan”
- Studenti iz Švedske u PRONI-u
- Sudbina zakona o mladima u Brčko distriktu

## SADRŽAJ:

European Citizenship 2

Obuka za aktiviste za ljudska prava 2

Trening za koordinatora i mentora za EVS 2

Studenti iz Švedske u PRONI-u 3

PRONI omladinski rad 3

Sudbina zakona o mladima u Brčko distriktu 3

O PRONI-u 4

## Nagrada za “Tamnu stranu djetinjstva”

Film “Tamna strana djetinjstva”, volontera PRONI Centra za omladinski razvoj Brčko distrikta BiH, Damira Pervanovića (reditelj, scenarista, montažer i glumac) osvojio je drugo mjesto na Omladinskom festivalu filma—OFF u Bijaću.

Omladinski radnik PRONI-a, Slavko Stanić, zajedno sa Ismarom Klebićem (kameraman), Adelom Delić i Mirelom Muharemović (glumice) prisustvovao je festivalu, koji se održava druga godina za redom u Bijaću.

Nagrada za drugo mjesto festivala je srebrna statua festivala i bon na 500 KM.

Festival je otvorio Senad Šepić, Zamjenik ministra civilnih poslova.



Fotografija nagrade

Od devet filmova, koliko je prikazano na festivalu, osam

je bilo iz BiH i jedan iz Srbije, tako da je festival regionalnog karaktera.

Jedino je PRONI-jev film pravljen u nevladinog organizaciji, dok su ostali filmovi rađeni u okviru škola.

Nagrada za prvo mjesto na OFF festivalu je takođe došla u Brčko i to JU Tehničku školu.



## “Danas je moj dan”

Povodom međunarodnog dana dječijih prava PRONI u Bijeljini je implementirao akciju pod nazivom “Danas je moj dan”. Cilj akcije je bio da se volonteri PRONI Centra prikažu svoje radove na temu ljudskih prava i na taj način doprinesu obilježavanju ovog dana.

Akcija je provedena u okviru projekta „Svi smo rođeni sa jednakim pravima, poštujmo ih!!!“ u sklopu koga su volonteri radili na svojim manjim projektima, odnosno radionicama sa mladima i djecom iz Bijeljine na temu dječijih prava. Volonteri su građanima Bijeljine pokazali i prikazali svoj rad proteklih mjeseci.

Na samom početku



učesnici dramske grupe su odglumili i prikazali svoje djelo, to jest skeč koji su sami osmislili. Zatim je grupa volontera upoznala građane sa svojim radom sa djecom romske nacionalnosti, u sklopu koje su pripremili su malu izložbu dječijih radova na temu dječijih prava i galeriju sa fotografijama koje su snimljene tokom njihovog rada. Takođe, je

učesnica projekta Sabina pročitala tekst, koji je napisala na srpskom i romskom jeziku. Ova radionica je rađena u saradnji sa romskom organizacijom OTAHARIN u Bijeljini. Treći projekat je „kampanja za otvaranje info centra u Bijeljini“ u sklopu koga su volonteri radili anketiranje građana tokom akcije.

Akcija “Danas je moj dan” je uspješno realizovana i šira javnost Opštine Bijeljina je imala priliku da se upozna sa značajem ovog dana i da se pridruži našoj akciji.

## European Citizenship trening u Sloveniji



Volonteri i volonterke na Trgu mladih u Brčkom na Dan Evrope.

Generalni menadžer PRONI Centra za omladinski razvoj Brčko distrikta BiH je prisustvovao treningu European Citizenship u Sloveniji koji je organizovan od strane SALTO nacionalne agencije u trajanju od 23.-29.11. 2009. godine.

Trening je osmišljen da ohrabri razvoj kritičkih, demokratskih i evropskih građana i podrži implemenataciju i kvalitet programa „Mladi u Akciji“.

Ovom treningu su prisustvovali menadžeri projekta, omladinski radnici i omladinske vođe iz Estonije, Francuske, Grčke, Mađarske, Litvanije, Holandije, Poljske, Rumunije, Slovenije, Bosne i Hercegovine, Velike Britanije, Lihtenštajna, Norveške, tj. južno-istočne Evrope, istočne Evrope i Kavkaza.

Cilj treninga za European Citizenships je bio da podrži profesionalni

razvoj omladinskih radnika i lidera proširenjem njihovog kritičkog razumijevanja evropskog građanstva, istraživanja i iskustva njihovih potencijala i omogućavajući im da prepoznaju i integrišu evropsko građanstvo u omladinski rad.

Više informacija o kontekstu o European Citizenship treningu možete naći na European Citizenship web adresi: <http://www.european->

### “Aktivisti za ljudska prava”

Fotografija sa treninga



## Obuka za aktiviste za ljudska prava

Ukupno šest volontera se prijavilo da prođe obuku „aktivista za ljudska prava“, koju organizuje PRONI Centar za omladinski razvoj Brčko distrikta BiH. Za sada su radili na deklaraciji o ljudskim pravima i to: šta ta deklaracija

podrazumijeva, kako oni vide ljudska prava, koje aktiviste ljudskih prava poznaju i slično.

Ekipa jeste mala, ali je voljna da radi i već imaju ideje za projekte i akcije koje bi radili. Međutim, predstoji im još dodatna obuka i to iz komunikacija i

prevazilaženja predrasuda.



## Trening za koordinatora i mentora za EVS

Omladinski radnici PRONI-a su prisustvovali treningu za koordinate i mentore EVS-a (evropskog volonterskog servisa) koji je održan u Strugi, Makedonija, od 01.-09.11.2009. godine. Trening je bio međunarodnog karaktera i učesnici su bili iz Francuske, Italije, Bugarske, Rumunije, Hrvatske, Bosne i

Hercegovine, Srbije, Poljske i Makedonije. Ukupno 25 učesnika iz navedenih zemalja je deset dana prisustvovalo detaljnoj obuci obaveza koordinatora i mentora za EVS volontere. Pojednostosti su se odnosile na slanje i ugošćavanje volontera, i kave su sve procedure i obaveze u

sklopu te aktivnosti.

PRONI je od ove godine registrovan za EVS u SALTO youth i plan je da PRONI ugosti i šalje volontere od naredne 2010. godine, kada stiče uslove, tako da je ovaj trening došao u pravi čas.

# Studenti iz Švedske u PRONI-u

Martin Nilsson i Ibrahim Hoti su studenti iz Švedske koji su svoj praktični rad o radu i uključenosti u lokalne procese odradili u PRONI-ju u Brčkom.

Naime, ovi momci studiraju na Jonkoping University School of education and communication (Smjer obrazovanje i komunikacija). U sklopu svog studiranja iz predmeta Međunarodni odnosi imali su zadatak da u nekoj organizaciji u

inostranstvu istraže metode, način rada, politike rada, saradnju sa lokalnim vlastima, uključenost u lokalne procese i dr. u radu te organizacije.

Pored toga, što istražuju u PRONI-ju, oni su pomagali osoblju PRONI-a u pripremi projekta za Evropsku komisiju "NVO BiH u borbi protiv korupcije", pomagali u akciji „Danas je moj dan!“ povodom Međunarodnog dana djeteta u Bijeljini. I družili

se sa nama do kraja novembra mjeseca.

Još su rekli da će PRONI preporučiti i drugim studentima sa njihovog univerziteta, jer je BiH interesantna za njihov rad i imali su dobru saradnju sa PRONI-jem. Tokom svog boravka u BiH upoznali su dosta mladih, volontera i članova PRONI-a, kako u Brčkom tako i u Bijeljini. Čak su posjetili i Ambasadu Švedske u Sarajevu.



**Studenti  
iz Švedske  
praktičan  
rad radili  
u**

**PRONI-u!**

## PRONI omladinski rad

### **OKORUZ**

Omladinski radnici PRONI Centra za omladinski razvoj, tokom mjeseca oktobra odradili su procjenu kvalitete rada („OKORUZ“) u 21 omladinskom klubu u mjesnim zajednicama, projekta je podržan od Vlade Brčko distrikta i sprovodi se u saradnji sa volonterima i predsjednicima MZ. Tako da je ostalo da se odradi još 5 OKORUZ-a tokom decembra mjeseca, komentari i preporuke za dalji rad klubova, kao i završni izvještaj čime se ovaj projekat i

završava.

### **Mladi u akciji**

PRONI omladinski radnici su prisustvovali radionici u okviru programa Kontakt Tačke za program „Mladi u akciji“ na temu „omladinski aktivizam u BiH“ u Šerićima (Općina Živinice), koji je organizovala organizacija IPAK-Mladost gradi budućnost iz Tuzle. Učesnici su imali priliku upoznati se sa mini verzijom radionice „projektnog menadžmenta“, gdje su konkretno izradili nekoliko

projektnih ideja koje bi bilo neophodno realizirati u lokalnim zajednicama. Nakon koje je organizovana i prezentacija progama „Mladi u akciji“ „Program „Mladi u akciji““ Evropske komisije traje narednih šest godina. Ukupan budžet programa je 850 miliona eura. Svi mladi ljudi registrovani u omladinskim organizacijama ili neformalnim grupama imaju mogućnost učešća u ovom programu kroz dvije akcije i to : Evropski volonterski servis i Omladinska razmjena.

## Sudbina zakona o mladima u Brčko distriktu BiH

Sastanak Radne grupe i predstavnika KULT Sarajevo održan je u prostorijama Omladinskog centra u Brčkom 11.11.2009. godine. Sastanku je prisustvovala radna grupa Vlade Brčko Distrikta BiH u punom sastavu kao i predstavnica OSCE-a Brčko, Vanja Gajić, predstavnica „Vermonta“ Brčko, Branka Đukić i predstavnik „PRONI Brčko“, Jasmin Jašarević. Predsjednica radne

grupe je obavijestila okupljene da je dobila instrukciju da se Zakon o mladima kao i zakon o Volontiranju i Zakon o Crvenom krstu/križu Brčko Distrikta BiH povlače iz procedure.

Odgovor na mnogobrojna pitanja prisutnih je „nemogućnost Skupštine da usvoji ovoliki broj zakona do kraja godine“ i sastanak je završen veom brzo sa objašnjenjem da se sve aktivnosti prebacuju za sledeću

godinu.

Ovakav razvoj situacije je, zaključak ostalih prisutnih na sastanku, veoma razočaravajući za sve aktere u procesu donošenja zakona kao i za sve mlade u Brčko Distriktu obzirom da se situacija oko Zakona o mladima ponovo usložnjava i „prebacuje“ iz godine u godinu.





## PRONI Centar za omladinski razvoj Brčko distrikt BiH

Ul. Bosne Srebrene br.16

76100 Brčko

Tel: +387 49 233 940

Tel/Fax: +387 49 217 695

E-mail: pronibrco@teol.net

Web: www.pronibrcko.ba

### PRONI Bijeljina

Ul. Ivana Gorana Kovačića br.5

tel/fax: +387 55 213 046

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004. godine.

Naša vizija: PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.



# Nešto više o PRONI-u

## Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama.

## Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

## Mreža omladinskih klubova

U saradnji sa Vladom i 26 MZ Brčko distrikta BiH PRONI podržava rad Omladinskih klubova kroz program "Mreža omladinskih klubova". Kroz ovaj program PRONI je obučio 52 volontera za rad sa mladima u omladinskim klubovima, tokom 2007 i 2008. godine. PRONI je vršio monitoring i procjenu rada ovih klubova, dok je Vlada Brčko distrikta finansijski podržala ovaj projekat.

## Omladinska politika



Fotografija sa PRONI festivala

PRONI se već duže vrijeme bavi razvojem omladinske politike za Brčko district u saradnji sa drugim omladinskim organizacijama, te razvojem i promocijom omladinske politike u Bijeljini.

## Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta i timski rad.

## Skupština i upravni odbor

PRONI kontinuirano radi na obrazovanju članova svog Upravnog odbora i razvoju njihovih vještina rukovođenja, kako bi što više doprinijeli razvoju organizacije.

Upravni odbor broji 7 članova različitih profila, a PRONI Skupština ima 30 članova među kojima su i volonteri i mladi iz klubova.